



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-7-1736-9/26–ME/ES

Tuzla, 28.04.2026. godine

Na osnovu člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Preporuke Komisije za javne nabavke iz Zapisnika o pregledu i ocjeni ponuda broj: 03-11-7-1736-7/26-ME/ES od 27.04.2026. godine, donosi se

O D L U K A
o izboru najpovoljnijeg ponuđača
u postupku javne nabavke kompjuterskog materijala

I

Prihvata se preporuka Komisije za javne nabavke Zavoda zdravstvenog osiguranja Tuzlanskog kantona, te se kao najpovoljniji ponuđač u postupku javne nabavke kompjuterskog materijala, bira ALF-OM d.o.o. Banja Luka sa ukupnom cijenom u iznosu od 4.932,00 KM bez PDV-a odnosno 5.770,44 KM sa PDV-om.

II

Ova Odluka dostavlja se svim ponuđačima koji su učestvovali u predmetnom postupku javne nabavke, a u skladu sa članom 70. stav (2) Zakona o javnim nabavkama.

III

U skladu sa članom 70. stav (6) Zakona o javnim nabavkama, ova Odluka objavit će se na internet stranici Ugovornog organa (www.zzotk.ba) istovremeno s upućivanjem ponuđačima koji su učestvovali u postupku javne nabavke.

IV

Odluka stupa na snagu danom donošenja.

OBRAZLOŽENJE

Postupak javne nabavke kompjuterskog materijala, pokrenut je Odlukom o pokretanju postupka javne nabavke, broj: 03-11-7-1736-1/26 – EP/ME od 16.03.2026. godine.

Postupak javne nabavke proveden je putem konkurentskog zahtjeva za dostavu ponuda, za koji je u informacionom sistemu "e-nabavke", dana 19.03.2026. godine, objavljeno Obavještenje o nabavci broj: 793-7-1-23-3-55/26.

Sažetak za obavještenje o nabavci je objavljen u "Službenom glasniku BiH" broj: 23/26.

Dana 25.03.2026. godine, donesena je Odluka o izmjeni tenderske dokumentacije broj: 03-11-7-1736-3/26 - EP/ME. Analizom pitanja postavljenog putem Portala javnih nabavki, kao i naknadnom internom provjerom, utvrđeno je da ranije objavljena tenderska dokumentacija i

Aneks 3 nisu u potpunosti usklađeni sa iskazanim potrebama Zavoda zdravstvenog osiguranja Tuzlanskog kantona, te je potrebno uraditi ispravku u tački 2.3.1. tenderske dokumentacije, stavka 5., kao i Aneksa 3 (Obrazac za cijenu ponude), stavka 5., na način da se ranija tačka 2.3.1. tenderske dokumentacije, kao i Aneks 3 (Obrazac za cijenu ponude) mijenjaju novim i usklađenim sa iskazanim potrebama. Izmjena se odnosi na vrstu tonera koji je prvobitno bio naveden za printer HP Pro 4003dn.

Rok za dostavljanje ponuda isticao je 31.03.2026. godine, do 11:00 sati. Javno otvaranje ponuda održano je dana 31.03.2026. godine, u 11:30 sati, u prostorijama Ugovornog organa (Franjevačka broj 36., 75 000 Tuzla).

Ponude su dostavljene kako slijedi:

1. ALF-OM d.o.o. Banja Luka sa cijenom ponude u iznosu od 20.439,05 KM
2. PR MEDIA MARKET sa cijenom ponude u iznosu od 21.367,50 KM
3. DEFTER d.o.o. Sarajevo sa cijenom ponude u iznosu od 21.196,25 KM
4. ALFADIVIT d.o.o. Živinice sa cijenom ponude u iznosu od 21.317,00 KM

Komisija je u skladu sa članom 68. stav (3) Zakona, nakon pregleda dostavljenih ponuda, aktom broj:03-11-7-1736-5/26-ME/ES od 03.04.2026.godine zatražila pojašnjenje ponude od ponuđača PR MEDIA MARKET. Isti je aktom broj:57-1-1/26 od 04.04.2026.godine dostavio pojašnjenje koje se odnosilo na ponuđenu vrstu tonera za uređaj HP LJ PRO M404 dn.

Nakon traženog pojašnjenja ponuđač je dostavio akt kojim je dodatno pojasnio ponudu vezano za ponuđeni toner oznake HP W1510A, obzirom da je tačkom 2.3.3. tenderske dokumentacije zahtjevana oznaka W1A53A za uređaj HP LJ PRO M404 dn. U dostavljenom pojašnjenju je navedeno: „... oznaka W1A53A odnosi se na model/part number samog uređaja, a ne na oznaku tonera. U itoj dokumentaciji je jasno navedeno da je za EMEA region između ostalog predviđen i toner oznake CF259A. U našoj ponudi i pratećoj dokumentaciji također je naznačeno da ponuđeni proizvod odgovara modelu CF259A, dok se oznaka W1510A pojavljuje kao dodatna/proizvođačka oznaka zamjenskog tonera iste namjene, što je jasno navedeno u opisu proizvoda...” Komisija je prihvatila dostavljeno pojašnjenje i ponudu ponuđača PR MEDIA MARKET, ocijenila kao prihvatljivu.

Nakon pregleda i ocjene ponuda, utvrđeno je da su dostavljene ponude prihvatljive, te je u skladu sa Tenderskom dokumentacijom, zakazana e-aukcija za prihvatljive ponude, i izvršeno je rangiranje ponuda, kako slijedi:

Poslije održane e-aukcije:

Rangiranje	Naziv ponuđača	Konačna cijena u KM bez PDV-a
1.	ALF-OM d.o.o. Banja Luka	4.932,00
2.	ALFADIVIT d.o.o. Živinice	4.939,99
3.	DEFTER d.o.o. Sarajevo	5.900,00
4.	PR MEDIA MARKET	14.200,00

Nakon provedene e-aukcije prvoplasirana ponuda, ponuđača ALF-OM d.o.o. Banja Luka je značajno niža u odnosu na procijenjenu vrijednost nabavke kao i na prvobitnu ponuđenu cijenu.

Ugovorni organ je, postupajući u skladu sa članom 66. Zakona o javnim nabavkama Bosne i Hercegovine, izvršio analizu ponuđene cijene prvoplasiranog ponuđača, imajući u vidu značajno odstupanje iste u odnosu na procijenjenu vrijednost nabavke kao i na prvobitnu ponuđenu cijenu.

S tim u vezi, od ponuđača je zatraženo detaljno pojašnjenje ponuđene cijene, koje je isti blagovremeno dostavio. U dostavljenom pojašnjenju ponuđač je naveo da cijena proizilazi iz ekonomičnosti poslovanja, dugogodišnje saradnje sa proizvođačem, statusa ovlaštenog distributera, ostvarenog obima prometa, kao i mogućnosti ostvarivanja posebnih rabata i povoljnih uslova nabavke. Također je obrazloženo da ponuđena roba pripada kategoriji kompatibilnih tonera, čija je tržišna cijena značajno niža u odnosu na originalne proizvode, što direktno utiče na ukupnu vrijednost ponude.

Ugovorni organ je, u cilju provjere navoda ponuđača, izvršio uvid u javno dostupne podatke na zvaničnoj internet stranici proizvođača www.orink.com, te je utvrdio da se ponuđač nalazi na listi ovlaštenih distributera za područje Evrope, uključujući Bosnu i Hercegovinu, čime su potvrđeni navodi ponuđača o postojanju povoljnijih uslova nabavke (dokaz – snimak ekrana sa stranice www.orink.com, - prilog Zapisnika).

Prilikom ocjene uzeta je u obzir i činjenica da su i ostali ponuđači učesnici e-aukcije ponudili cijene na približno istom nivou, sa minimalnim odstupanjima između prvoplasiranih ponuda, što ukazuje na postojanje stvarne tržišne konkurencije.

Na osnovu svega navedenog, ugovorni organ zaključuje da dostavljeno obrazloženje ponuđača sadrži objektivne i prihvatljive razloge koji se odnose na ekonomičnost poslovanja i povoljne uslove nabavke, te da isto otklanja sumnju u postojanje neprirodno niske ponuđene cijene. U tom smislu, ponuđena cijena se smatra realnom, tržišno utemeljenom i kao takva prihvatljivom za dalju evaluaciju i donošenje odluke o izboru najpovoljnijeg ponuđača.

Nakon pregleda i ocjene ponude, Komisija je konstatovala da su sve ponude ocijenjene kao prihvatljive o čemu je sačinjen Zapisnik o pregledu i ocjeni ponuda broj: 03-11-7-1736-7/26–ME/ES od 27.04.2026. godine, koji sadrži sve elemente i obrazloženja u vezi pregleda i ocjene ponuda, kao i Preporuku Komisije za javne nabavke ovom Ugovornom organu da u skladu sa odredbama Zakona o javnim nabavkama, podzakonskim aktima i kriterijem za dodjelu ugovora "najniža cijena", donese Odluku o izboru najpovoljnijeg ponuđača kojom se bira ALF-OM d.o.o. Banja Luka sa ukupnom cijenom u iznosu od 4.932,00 KM bez PDV-a odnosno 5.770,44 KM sa PDV-om.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. U postupku je procijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir sve naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od pet (5) dana od dana prijema.

Dostavljeno:

1. Ponuđačima (s dostavnicom)
2. a/a

DIREKTOR

Doc. dr.sc. Denis Husić, dipl. pravnik